

DE CONSTITV. ECCLESIASTICIS. Fo. XXXV.

Quadragesimæ institutio antiquissima est, a temporibus Apostolorum ad nos usque deducta, cuius violatores plerisque generalibus Concilij, præsertim Toletano octauo, acerrime redarguuntur, religioniq; contraire monstrantur. Atque adeo omnes quotquot sine ineuitabili necessitate seu fragilitate, evidentiq; languore, seu etiam impossibilitate ætatis diebus quadragesimæ esum carnium attentare præsumperint, alienos a sancta communione decernit, quod sacris diebus abstinentia oblii sunt, disciplinam ac quadragesimæ dies (quæ anni totius decimæ putantur, quæ & in oblatione ieiunij domino consecrantur) temerarie prophanauerint. Quos vero aut ætas incuruat, aut languor extenuat, aut necessitas arctat, non ante prohibita, violare præsumant, q; a sacerdote permisum est, percipient.

Orig. super
Leu. Hiero.
aduersus mo-
ta. hys. Am-
bro. in serm.
de quadr. 36
Ex Concil.
Toleta. 8

Lætaniae & Rogationes cur institutæ, & quomodo populus admonendus sit. Cap. VII.

Laetanias, id est, supplicationes, seu rogationes, in dicto triduano ieiuniuio ante domini ascensionem patribus placuit celebrari. Quibus omnes interesse iubentur, ut quemadmodum omnes peccauerunt, sic & omnes pro venia supplicant. Omnesq; ad deum corda cum manibus eleuent. Quanquam potissimum Lætaniae istæ principio institutæ sunt, ut tum populus diuina institutione admonitus, clementiam dei exoret, quo pestes, clades, calamitates, fames, bella, & id generis aduersa, quæ nobis iustissimo dei iudicio ob peccata nostra infliguntur, ac sub id anni tempus, nempe Veris (quum bella emergere atque terræ fructus, qui tum in flore atque teneri adhuc sunt, facile corrumpi solent) potissimum imminent, auertat & tollat. Ut autem ecclesia fiduciā erga deum (quam orantes ac petentes habere necesse est) tum nobis adaugeat Heliā proponit hominem nobis similem & passibilem, qui oratione orauit, ut non plueret super terram, & Reg. 17 non pluit annos tres & menses sex. Et rursus orauit, & cœlum dedit pluviam, & terra dedit fructum suum. Quod si solus Helias petens exauditus est, num Christus ecclesiæ suæ preces auersabitur? Hic interim populus descendens est, quod non solum quæ animi, sed & quæ corporis & extrema bona sunt a deo omnium auctore postulare oporteat.

Et redarguendi illi (haud ita multo q; gentes meliores) qui vel fortunæ vel suæ industriae bona temporaria accepta ferunt.

Processiones intra septa ecclesiastica peragendæ. Cap. VIII.

Quod processiones per agros & campos peraguntur, rationem quidem habet. Nempe quod populus oret, ut segetes ac fruges terræ a domino

no